

Na osnovu člana 16. stav (2) Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“ broj 7/10 i 3/23), a u skladu sa Programom utroška sredstava planiranih Budžetom Zeničko-dobojskog kantona za 2024. godinu u Ministarstvu za rad, socijalnu politiku i izbjeglice, broj: 02-11-1831/24 od 29.01.2024. godine, broj: 02-11-6495/24 od 09.03.2024. godine i 02-11-13114/24 od 19.07.2024. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 39. sjednici održanoj dana 05.08.2024. godine, d o n o s i

O D L U K U
o nastavku sufinansiranja projekta „Izgradnja društvenog doma u MZ Kopice“,
općina Maglaj

Član 1.
(Predmet)

Odobravaju se Mjesnoj zajednici Kopice, Općina Maglaj, novčana sredstva u iznosu od 30.000,00 KM (slovima: tridesethiljada konvertibilnih maraka) za završetak unutrašnjih radova u svrhu nastavka sufinansiranja projekata „Izgradnja društvenog doma u MZ Kopice“, s ciljem potpore održivom povratku na području Općine Maglaj.

Član 2.
(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24), razdjel 20- Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 615100, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.

Član 3.
(Uplata sredstava)

Odobrena sredstva će se uplatiti na transakcijski račun Mjesne zajednice Kopice, broj: 1990460003431957 otvoren kod Sparkasse banke, sa naznakom svrha uplate: „Izgradnja društvenog doma u MZ Kopice“ općina Maglaj.

Član 4.
(Provođenje odluke)

Za realizaciju ove odluke zadužuju se MZ Kopice, Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

Član 5.
(Izvještavanje)

Obavezuje se Mjesna zajednica Kopice, da Ministarstvu za rad, socijalnu politiku i izbjeglice po završetku projekta dostavi narativni i finansijski izvještaj o namjenskom utrošku odobrenih sredstava i to fiskalnim računima izdatim na ime kupovine i ugradnje materijala za unutrašnje radove, a najkasnije do 31.12.2024. godine.

Član 6.
(Stupanje na snagu)

Odluka stupa na snagu danom donošenja i biti će objavljena u „Službenim novinama Zeničko-dobojskog kantona”.

Broj: 02-11-13987/24
Datum, 05.08.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x Mjesna zajednica Kopice, putem Ministarstva,
1x „Službene novine Zeničko-dobojskog kantona“,
1x a/a.